



## 文林閣

記得係差毋多愛考高中之前，阿姆有交代係除忒愛煞猛讀書之外，自家定著還愛尋時間去芎林文林閣拜文昌爺。因為爺哀上班無閒好膠係去，係就尋一日騎等自行車去街路湊國中同學，兩儕提等金香共下去拜。該量時就係照等爺哀講个話來做定定，毋會想恁多，等到自家做人爺哀，渡等細子去拜文昌爺个時節，正了解麼个安到「盡人事，知天命」。原來阿姆喊係煞猛讀書就係先盡人事、讀好自家愛讀个書，伸著个正係命，正愛睭自家有福氣無？拜文昌爺就係祈求自家堵著困難个時節毋會囍囍春春，做得順利考著高分，通過門關。

睭著恁多人來拜文昌爺，就知讀書膠通過考試係人生个大事情。逐年，會到高中、大學入學考試个時節，有兜學校盡工夫，校長、主任膠先生會帶等全部參加考試學生仔个准考證，加上包仔、粽仔來拜文昌爺，拜好轉去再過發分學生仔，希望經過文昌爺个保佑，大家做得「包中」自家想愛讀个學校。有兜在外莊戴个鄉親，到考試之前，乜會訂訂渡等細子轉來芎林拜文昌爺，在廟肚，接常會睭著歸屋下人同下擎等香誠心誠意在該許願，大家總係希望文昌爺做得保佑參加考試个親人有加兜金榜題名个機會。

一行入文林閣肚，就會睭著兩旁脣个壁面貼滿榜單，廊下乜懸等異多還願个龍燈，感覺當像有盡多前輩在該鼓勵自家樣，分大家較有信心來面對將來个挑戰。文林閣最早係先生講學个位所，背後，撥出廟後个所在來設立芎林國小，分莊頭个細子有地方來好好讀書，又再過創設獎學金來獎勵清寒个學生，從當初設立到今百過年來，文林閣在實際上膠精神上，毋知嘉惠了幾多讀書人。

在臺灣，主祀文昌爺个文昌廟無幾多間，芎林个先民有設立文林閣个眼光，實在係對地方文化膠後代教育个重視，大家來拜文昌廟个時節，除忒求自家个功名之外，乜千萬毋好毋記得先民个苦心！

作者：林伯殷

### ☆詞彙學習☆

- 【文林閣】vun lim gog`：指芎林文昌廟。【囍囍春春】lung lung chung` chung`：慌慌張張。  
【提等】te den`：拿著。【訂訂】dang` dang`：特地。  
【細子】se` zii`：孩子、小孩子。【同下】tung ha`：一起。  
【睭】ngiang`：看。【懸等】vien` den`：掛著。

### ☆文法學習☆

- 【除忒……之外，乜……】chu ted`……zii` nguai`，me`……：除了……之外，也……。表示「……」中所提到的前後兩種情況皆有包含或者需要兼顧。  
例1：除忒求自家个功名之外，乜千萬毋好毋記得先民个苦心！（除了祈求自己的功名以外，也千萬不要忘記先民的苦心！）  
例2：除忒去新竹寮之外，乜愛睭兜該所在个風土人情。（除了到新竹玩以外，也要看一些當地的風土人情。）  
例3：這片除忒飯之外，乜有麵，由在你選。（這裡除了飯之外，也有麵，任由你選。）